

lasenia, Oetjioli Nisgamel piptógóps-galsepenel, tógo na tele elnoasis.”

S. San negem tan Oestaolgol onis-gameotim notji pagagnetomolg tet pótji oigemolg tan tami oetji osgitjinoilitjel eli nisgameoilitjel : teloitatjel eta “Gtjigelosoagan” ; eli ógotj negem mo-goetj amsgoeseoieog ugoti nisgameotigtog, tan tetlimotjig neselitjig, Oegoisit ag Eogtjit ag Oetjioli Nisgam ; negem tapódoei, negem Eogtjit Nisgam negem “Gtjigelosoagan” Gtjinisgam ogoisel, o-gelosoaganem, otangitasoaganem, osa-peotim ; istego gino gelosoaganeminal gtoninag oetjiagal ag gtjitjagamitjina-g : “Nisgameoigtog oetjini nisgameoit, pagtagigtog pa oetji pagtateg, getel pa Nisgameoigtog ansema pa oetji nisgameoit ; otjeg oetjigit mo sgato gisitasiog, otjel neogtamogsititjel.” Nige oegela tapositig teti asitegsaltititj sistoei oetji nisgameoit Oetjioli Nisgam teloitot gisna Santeolamoti, tetpigilolitjig, tetpi sagmaolitjig, meta neogtetlit pa Nisgam, ag mset gógoel tetpamogsolititjel. “Gepmi emtógolanetj Oegoisit ag Eogtjit ag Oetjoli Nisgam ; metj nigetj teti gpmi nsetogsitj ag mo ponianoti elmiag gepmi nsetoan.”

Na Gtjigelosoagan Eogtjit Nisgam tan sag gesgepenag gógoeinogogeg metj nespi gsamagsis ag maoi olegsep onisgameoigtog “oitji tgoeioasanel otjel ag Oetjioli Nisgamel, “na negem oetji maoi gisitasisepenel mset gógoel,” teti gsalnogsep tjel getoi pgsinges ogsitga, mog, eoaitji oetjgoiesei litji, ogtjit gino getoi elnoasis getoi ogsetaolgos, ag teti espalnogsep tjel onisgameoti getoi ignemolgs, gtelatineno ogtinin nisgameoei sapeotigtog ; negem tóg oetjiag pagtateg ag minatjoagan gtininenag ; na San Patis natji nigani agnotges, tetpetog mo negem pagtategoigosep, meloitj Gtjigelosoagan pa sig negem gtjipagtateg tan pagtatoatj lno otjtjtjagamitjoa ; natel oetji minoi osgitjinoltigo Gisolg geseoli onitjangatj gtinineno. Na tóg ogtjit “GTJIGELOSOAGAN EOGAESISGSEP ag etlagatges eimotigo” ; na ogtjit “tan mesta ialsoetet teti gisteoalesit, tan mesta gisiteget mtijoatjtjeoalesit, na teti gsalnogsep Gtjinisgameoit.” tjel elmiag glapis oelitsetges omitj-iptjeoalesin patgoi alamesigenigtog teti mitjisótelnog ogtinin. Pagalaititnetj, metelmanetj, asitegsalanetj.

Nigetj S. Matieo negem notji oloigi-

get giona gatj getoi mosgatolg Genisgaminal teli Inoilitj, ola tjet notji ogs-etaoioet tan oetapegaitj nagela sagaoe-giga pitoi onisgamitjimgiga teti pgtitj sgipesepeniga. Tapitóg ag Aplamóg, ag esgoiatilitga, glapis eli oitajtel Sós-epal ; sgato mógoetj teloeog Sós-ep oegoisanel Sesosel, meloitj pa sig “ta-positisenel Malial, na negemel oetjigis Sesos.” Mali tóg negem megi nasgoet oetji onitjanis Oetjioli Nisgameoigtog, elpa mógoetj getjtjtjogstpenel tjine-mol. Sig eta Sós-ep niwasonos ag lóg sapeoalos otangoeioan gitga Sesosel ag Malial. Me sgato elp negem gitjino Mali oitjei oetji osgitjineiseniga nage-la Tapitóg, Aplamóg ag gtegiga oetap-agmitjiga.

Sgato Sós-ep tan mo oegoisogsepenel Oestaolgol ag menag nenemogsepenel oegela lnoi nisgameoel gtjipagalaitil, lóg sespetasis angitelmasanel Malial telelisanel tógo teti sapeoilisenel, glapis geginamasepenel ansaleoilitjel oguntaggoitjasin ag ogsolan oli nasgoelitjel ogtepitemin gesaltimgoeoigtog, eln Santeolamoti na negem piptógóps-galasanel mitjoatjtjel ogtelamilog, oetji gsi olitasis Sós-ep ag maoli tjitonasanel Nisgam ogoitjel saliteigtog ag ansaleoiteoi oagametimgoeoigtog.

Sós-ep negem ola tet amsgoes lóg oetji onmatjitasis teti sespetasis, ag mo pegitjenogsep oetji ogsegeogitjasis teti ginamogsis. Mo gpeli oelitelmanetj tesigo, tógo oitji olitasolinetj eotjigo, ag mo gponi siaoi npogoitelmanetj Mali ag Sós-ep ; mo gtaoantasoatemoanetj tan Oestaolg nisgameoit tetpigilititjel otjel ag Oetjioli Nisgamel oatjoi gtjinisgameoit, eli elnoit tetpigilititjel ogtitjel Malial ag Sós-epal, tetpigiloltjigo elp gino, teti oageoit gino teti oageoi-go, teti ogtjtjagamitjoi gino teti ogtjtjagamitjoltjigo, ansema pa peoatges gino tan telamogsigo negem ogtelamogsin, aona mó patasiogsep, S. Pól telolet ; ma poni nisgameoig, ma poni lno-iog ; tjtjtjogagatj mosgalesit eli msigameoit, tjtjtjogagatj mosgalesit eli lnoit ; teti nisgameoit gsi pagalamonetj, teti lnoit gtoi matjolgoalanetj ; me sgato migoitetemenetj Gisolg ogoisel mo pa taposioog, meloitj neogtetjitetj gsa-loet Sesogoli Gsagmamino. Na pa elp oelmóteg Sent Ann otjtjtjel, tan ipattamogo gtelagoneno ogtininigtogel, metj iátege negem gogomitjino gensepi logóoaneno.